

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 09 0 U 041277 22 Fp
Sarajevo, 21.4.2022. godine

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIMLJENO:		25 APR 2022	
Org. jed.	Broj	Prilog	Vrijednost
01-GV-09	-	732	/22

Grad Sarajevo
Komisija za drugostepeno upravno rješavanje Gradskog vijeća Grada Sarajevo
ul. Hamdije Krševljakovića broj 3
Sarajevo

U upravnom sporu, po tužbi - tužioca MN MEDIA COMPANY d.o.o. Sarajevo, zastupanog po direktoru Dina Lukhodžić, protiv tuženog Grada Sarajevo, radi poništenja rješenja komisije za drugostepeno upravno rješavanje Gradskog vijeća Grada Sarajevo, broj: 04-GV-04-373-1/22 od 4.3.2022. godine, u smislu člana 27. Zakona o upravnim sporovima („Službene novine Federacije Bosne i Hercegovine“, br. 9/05), dostavljam vam tužbu, sa priložima na odgovor.

Pozivate se da, u roku od 20 dana od dana prijema ovog dopisa, dostavite sve spise koji se odnose na predmet spora, kao i dokaz o izvršenoj dostavi navedenog rješenja tužiocu.

NAPOMENA:

Ako tužena strana, u navedenom roku, ne pošalje spise predmeta ili ako izjavi da ih ne može poslati, sud može riješiti stvar i bez spisa ako se tužbom pobija osporeni akt samo iz razloga pogrešne primjene materijalnog prava.

Ako se osporeni akt pobija iz drugih razloga, sud ne može stvar riješiti bez spisa, pa propuštanjem dostave spisa sudu odgovorno lice tuženog organa čini tešku povredu službene dužnosti.

Sud će, po službenoj dužnosti ili na zahtjev stranke, podnijeti pisani prijedlog za pokretanje disciplinskog postupka protiv odgovornog lica za tešku povredu službene dužnosti prvostepenom disciplinskom organu, koji je po prijedlogu dužan donijeti rješenje o pokretanju disciplinskog postupka protiv odgovornog lica.

O podnesenom prijedlogu za tešku povredu službene dužnosti protiv odgovornog lica u nadležnom organu, sud će pisano obavijestiti Gradsko vijeće, kako bi taj organ u okviru svojih ovlaštenja poduzeo odgovarajuće mjere da nadležni organ dosljedno postupi po zahtjevu suda.

Prilog:

- tužba, sa priložima

SUDSKI STRUČNI SARADNIK

Selma Mamedžija

SUDSKI STRUČNI SARADNIK SUDA





MN MEDIA COMPANY d.o.o.

Patriotske lige 35 (stadion " Asim Ferhatović Hase "), 71 000 Sarajevo, Tel/fax: 033 237 202

info@mnmedia.ba, mn.media@hotmail.com ID broj: 4201632590008

Sarajevo, 20.04.2022.

KANTONALNI SUD SARAJEVO

Šenoina br. 1, Sarajevo

PREDMET: TUŽBA – UPRAVNI SPOR po rješenju Komisije za drugostepeno upravno rješavanje Gradskog vijeća Grada Sarajevo broj 04-GV-04-373-1/22 od 04.03.2022. godine

TUŽENI: Komisije za drugostepeno upravno rješavanje Gradskog vijeća

TUŽITELJ: MN Media Company d.o.o. Sarajevo

Poštovani,

Koristimo zakonsku mogućnost da pokrenemo upravni spor-tužbu po rješenju Komisije za drugostepeno upravno rješavanje Gradskog vijeća Grada Sarajevo broj 04-GV-04-373-1/22 od 04.03.2022. godine, u kojoj se naša žalba odbija kao neosnovana.

U drugostepenom rješenju se navodi kako je MN Media Company d.o.o. odbijena po rješenju Gradonačelnice broj 09-19-3238-1/21 od 23.11.2021. godine a za postavljanje jednostrane reklame tipa Bigboard na lokaciji Bulevar Meše Selimovića prije RTV Doma - lijeva obala rijeke Miljacke u dimenzijama 10x5 m., u zoni II. Kao razlog odbijanja se navode neizmirene obaveze prema Gradskoj Upravi.

Naime, sa Gradom Sarajevo, MN Media Company je u parničnom postupku kojim će se utvrditi koji je to iznos duga koji mi zapravo i želimo da izmirimo. U svakom slučaju niko se ne smije postaviti iznad Suda te prije sudske odluke donositi diskriminatorna rješenja.

Nadalje, priliku koristimo i da po ko zna koji put stavimo akcenat na to da sve površine (koje su u ingerenciji Grada Sarajeva) MN Media Company d.o.o. je izmislila, u smislu da je uredila korita čišćenjem od fekalija, pa samim time i predmetnu površinu na lokaciji Bulevar Meše Selimovića prije RTV Doma. MN Media Company d.o.o. je imala postavljen reklamni pano na predmetnoj lokaciji sve dok Načelnik Semir Efendić nas u pismenoj formi nije obavijestio da niko ne smije postaviti reklamu na toj lokaciji, što je provjerljivo i dokazivo. Imamo saznanja da je Grad Sarajevo ovu istu lokaciju dodijelio firmi "NN" pa s time u vezi jedva čekamo postavku iste kako bismo podnijeli tužbu protiv općine Novi Grad zbog diskriminatornog odnosa.

U nadi da će uvaženi Sud uzeti u obzir sve navode te vratiti predmet na prvostepeno rješavanje.

S poštovanjem,

MN Media Company d.o.o.
Dina Lukhodžić, direktorica





Grad Sarajevo
City of Sarajevo

29. 03. 2022.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*Komisija za drugostepeno upravno rješavanje
Gradskog vijeća Grada Sarajeva*

Broj: 04-GV-04-373-1/22

Datum: 04.03.2022. godine

Na osnovu člana 223. stav 1., u vezi sa članom 237. stav 1. Zakona o upravnom postupku („Službene novine Federacije Bosne i Hercegovine“, br. 2/98 i 48/99) i člana 58. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20), Komisija za drugostepeno upravno rješavanje Gradskog vijeća Grada Sarajeva rješavajući po Žalbi pravnog lica MN MEDIA COMPANY d.o.o. sa sjedištem u Sarajevu, broj: 09-19-3238-1/21 od 23.11.2021. godine, zaprimljenu kod prvostepenog organa dana 20.12.2021. godine pod brojem 09-19-7191/21 godine na Rješenje gradonačelnice Grada Sarajeva broj: 09-19-3238-1/21 od 23.11.2021. godine, na sjednici održanoj 04.03.2022. godine donosi

RJEŠENJE

Odbija se kao neosnovana žalba pravnog lica MN MEDIA COMPANY d.o.o. broj: 09-19-3238-1/21 od 23.11.2021. godine na Rješenje gradonačelnice Grada Sarajeva broj: 09-19-3238-1/21 od 23.11.2021. godine

Obrazloženje

Rješenje gradonačelnice Grada Sarajeva broj: 09-19-3238-1/21 od 23.11.2021. godine odbijen je zahtjev pravnog lica MN MEDIA COMPANY d.o.o. sa sjedištem u Sarajevu za korištenje priobalnog pojasa rijeke Miljacke u svrhu postavljanja jednostrane reklame tipa Bigboard-a na lokaciji Bulevar Meše Selimovića prije RTV Doma, lijeva obala Miljacke dimenzija 10x5m, u zoni II, uz obrazloženje da navedeno pravno lice ima dospjelih, a neizmirenih naknada po izdatim rješenjima, te da zahtjevu nije moguće udovoljiti sukladno članu 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“) jer je propisano da za „korisnika za kojeg sde u toku postupka izdavanja odobrenja utvrdi da od ranije ima dospjele, a neizmirene naknade utvrđene u članu 4. stav 1. i stav 2., neće se izdati novo odobrenje dok navedene naknade ne budu u cijelosti izmirene.

Pravno lice MN MEDIA COMPANY d.o.o. je na citirano rješenje gradonačelnice izjavio žalbu broj: 09-19-3238-1/21 od 23.11.2021. godine, zaprimljenu kod prvostepenog organa dana 20.12.2021. godine pod brojem 09-19-7191/21 godine u kojoj kao razlog osporavanja rješenja navodi da se u odnosu na navedeni dug vodi sudski proces iz razloga što dug osporavaju, te da su imali rješenje za navedenu lokaciju- ispostavljenu fakturu i iznenada bez obrazloženja storniranu i da je tužba od strane Grada povučena. Uz žalbu, žalitelj nije priložio nikakve dokaze i popratne priloge za svoje navode.

U odgovoru na žalbu broj: 09-19-7191-2/21 od 22.02.2022. godine prvostepeni organ je naveo da je ožalbeno rješenje doneseno temeljem primjene člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 2/07), člana 200. Zakona o upravnom postupku („Službene novine Federacije Bosne i

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Hercegovine“, br. 2/98 i 48/99) i člana 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“), te da je ožalbeno rješenje izdato nakon uvida u analitičku karticu u kojoj je utvrđeno da žalitelj ima dug po osnovu izdatih i pravosnažnih rješenja za korištenje uređenih korita i obala vodotoka na području grada Sarajeva, te da je tako pravilno primjenjen član 5. navedenog Pravilnika. Uz navedeni odgovor na žalbu dostavljeni su i izvodi otvorenih stavki koji se vode kod Gradske službe za finansije, i to: otvorene stavke 23.11.2021. godine, 24.11.2021. godine i 23.02.2022. godine.

Komisija za drugostepeno upravno rješavanje Gradskog vijeća Grada Sarajeva je nakon razmatranja žalbe pravnog lica „PLAKAT“ d.o.o. Sarajevo našla da je žalba neosnovana.

U žalbnom postupku utvrđeno je u iz spisa predmeta da je prvostepeni organ u momentu rješavanja po zahtjevu pravnog lica „PLAKAT“ d.o.o. Sarajevo za izdavanje rješenja kojim bi bilo odobreno korištenje priobalnog pojasa rijeke Miljacke u svrhu postavljanja jednostrane reklame tipa Bigboard-a na lokaciji Bulevar Meše Selimovića prije RTV Doma, lijeva obala Miljacke dimenzija 10x5m, u zoni II, ispravno zaključio da nije ispunjen uvjet iz člana 5. Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo, broj 31/21“) kojim se izričito propisuje da se „za korisnika za kojeg se u toku postupka izdavanja odobrenja utvrdi da od ranije ima dospelje, a ne izmirene naknade utvrđene u članu 4. stav (1) i stav (2) Pravilnika, neće izdati novo odobrenje dok navedene naknade ne budu u cijelosti izmirene“, te sukladno tome i donio valjano i zakonito rješenje. Postojanje dospjelih dugovanja je evidentirano u poslovnim knjigama Grada Sarajeva, a o čemu je prvostepeni organ u svom odgovoru na žalbu i dostavio dokaz. Isto tako, žalbenim navodima pravnog lica MN MEDIA COMPANY d.o.o. nije ukazano na postojanje nezakonitosti ožalbenog rješenja ili pogrešne primjene materijalnih i procesnih propisa od strane prvostepenog organ. S tim u vezi, izjavljenom žalbom i žalbenim navodima nije dovedena u pitanje zakonitost prvostepenog rješenja. Drugostepeni organ, također, nalazi da činjenica da se vodi sudski postupak vezno za navedeni dug ne može biti osnov za usvajanje žalbe, obzirom da i sam žalitelj u svojoj žalbi ukazuje da je sudski postupak i toku te kako isti postupak nije pravosnažno okončan, niti ima dokaza o povlačenju tužbe, ova okolnost nije od značaja za odlučivanje u ovoj konkretnoj upravnoj stvari.

Cijeneći navedeno, drugostepeni organ je u postupku po žalbi našao da postoji formalna i materijalna zakonitost donesenog prvostepenog rješenja, te da žalbenim navodima nije osporena zakonitost ožalbenog rješenja, te je, cijeneći, navedeno riješeno kao u dispozitivu ovog rješenja.

Pouka o pravnom lijeku:

Protiv ovog rješenja ne može se izjaviti žalba, ali se može pokrenuti upravni spor.

Upravni spor se pokreće tužbom pred Kantonalnim sudom u Sarajevu u roku od 30 dana od dana prijema ovog rješenja.



Kenan Mamić

Dostaviti:

- Gradonačelnici,
MN MEDIA COMPANY d.o.o, Patriotske lige 35, Sarajevo
- U spis.
- a/a.



Broj: 01/04-23-5874-1/18
Sarajevo, 29.11.2018. godine

Na osnovu člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07) i člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99), rješavajući po zahtjevu pravnog lica »MN MEDIA COMPANY« d.o.o. Sarajevo, za izdavanje odobrenja za korištenje priobalnog pojasa rijeke Miljacke u svrhu postavljanja reklamnog panoa broj: 08-23-5874/18 od 12.11.2018.g., na prijedlog Gradske službe za urbano planiranje, investicije, stambene i komunalne poslove i u skladu sa Izvještajem po zahtjevu »MN MEDIA COMPANY« d.o.o. Sarajevo za odobrenje postavljanja reklamnog panoa - Bilbord-a od 27.11.2018. godine, gradonačelnik Grada Sarajeva, donosi:

RJEŠENJE
o odobravanju postavljanja reklamnog panoa

1. Ovim rješenjem odobrava se pravnom licu »MN MEDIA COMPANY« d.o.o. Sarajevo korištenje priobalnog pojasa rijeke Miljacke u svrhu postavljanja **jednog jednostranog reklamnog panoa**, na lokaciji Bulevar Meše Selimovića, prije RTV doma, lijeva obala rijeke Miljacke, u zoni II.
2. Reklamni pano iz tačke 1. ovog rješenja su dimenzija 10,00 m x 5,00 m.
3. Podnosilac zahtjeva se obavezuje da na ime naknade za korištenje priobalnog pojasa rijeke Miljacke za postavljanje reklamnog panoa iz tačke 1. ovog rješenja uplati iznos od **2.400,00 KM bez uračunatog PDV-a** u korist Grada Sarajeva, na račun broj: 1610000017920082 kod Raiffeisen bank d.d. Sarajevo, za održavanje i zaštitu uređenih korita i obala vodotoka.
Uplatu navedenog iznosa je potrebno izvršiti unaprijed za period važenja Rješenja na osnovu mjesečnih računa ispostavljenih najkasnije do 5.-tog u mjesecu, za predhodni mjesec.
4. Podnosilac zahtjeva je dužan pribaviti potrebne saglasnosti, odobrenja u skladu sa važećim zakonskim propisima.
5. Ovo rješenje važi 365 dana od dana pravosnažnosti rješenja.
6. Nakon isteka ovog rješenja korisnik se obavezuje prostor vratiti u prvobitno stanje i nadoknaditi sva eventualna oštećenja nastala prilikom montaže i demontaže reklamnog panoa.

Obrazloženje:

Pravno lice »MN MEDIA COMPANY« d.o.o. Sarajevo podnijelo je gradonačelniku Grada Sarajeva zahtjev broj: 08-23-5874/18 od 12.11.2018. godine za izdavanje rješenja za korištenje priobalnog pojasa rijeke Miljacke, u svrhu postavljanja jednog jednostranog reklamnog panoa, na lokaciji Bulevar Meše Selimovića, prije RTV doma, lijeva obala rijeke Miljacke, u zoni II.



Na osnovu Zahtjeva »MN MEDIA COMPANY« d.o.o. Sarajevo izvršen je obilazak terena od strane stručnih lica Grada Sarajeva dana 27.11.2018. godine i sačinjen Izvještaj po zahtjevu »MN MEDIA COMPANY« d.o.o. Sarajevo za odobrenje postavljanja reklamnog panoa - Bilbord-a, u kome je konstatovano da je na predmetnoj lokaciji, a koja je u priobalnom pojasu rijeke Miljacke, postavljena metalna konstrukcija za jednostrani bilbord u dimenziji 10,00m x 5,00m, te da je potrebno da se od nadležnog organa pribave saglasnosti, odobrenja u skladu sa važećim zakonskim propisima.

Rješavajući o predmetnom zahtjevu, a u skladu sa navedenim Izvještajem, ocjenjeno je da se istom može udovoljiti.

U skladu sa odredbom člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva rješeno kao u dispozitivu.

Visina naknade određena je u skladu sa odredbama Odluke o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima za 2018. godinu (»Službene novine Kantona Sarajevo«, broj 10/18).

Pouka o pravnom lijeku:

Protiv ovog rješenja može se izjaviti žalba Komisiji za drugostepeno upravno rješavanje Gradskog vijeća Grada Sarajeva, putem gradonačelnika, u roku od 15 (petnaest) dana od dana prijema Rješenja, a ista se taksira sa 6 KM administrativne takse shodno odredbama Zakona o administrativnim taksama („Službene novine Kantona Sarajevo“, br. 30/01 - prečišćeni tekst, 22/02, 10/05, 26/08 i 23/16).

Gradonačelnik

mr. Abdulah Skaka

Dostaviti:

- »MN MEDIA COMPANY« d.o.o. Sarajevo
ul. Glođina broj 1, 71 000 Sarajevo
- Gradska služba za inspekcijski nadzor
- Gradska služba za za urbano planiranje, investicije, stambene i komunalne poslove
- Gradska služba finansija
- evidencija